

Alatxia **Paulo Tyyriti, Alatxia Mahãdu-ò**

¹ Jiarỹ Paulo, rybeõmy nodu rare. Inyõ riwateõnyõhyyre. Jesuisi Kristule, Deuxu inytyby, Kristu ixixadỹỹdu-wana riwateõnyre. ² Jiarỹ ityhydỹỹdu seriõre-wana. Kaa watyyritireny rewahinyreri Alatxia bedeludu mahãdu-ò, ibutumy dohodỹỹna mahãdu-ò, ityhydỹỹdu mahãdu-ò wahe. ³ Ruxetòena ywina-wana adeereny kanakemy idi watxireri Jesuisi Kristu-ribi, Deuxu inytybyreny-ribi. ⁴ Jesuisi rexiwahinyre iny òrarureny-ribi iny ritarenykemy. Wiji bede aõmydỹỹnabina-ribi iny ritarenykemy. Kia dori Deuxu-ò inytybydeewimy rare. ⁵ Tamy àlàna aõu aõu kanawahimyhỹke.

⁶⁻⁷ Jiarỹ bede reõtinyinra, rybe witxiraõ eleelemy tetyhynymahãteki. Rybewihikỹ witxira ihoõre. Juhuu Kristu taruxetòena-di bedebina-ribi aratarenyire. Inyõ adee rare. Idi Deuxu Rybewihikỹ riwitxiranykemy. Tai tahe atyhydỹỹna ribinadỹỹnyra. Tai tahe kiamy adee rarybera. ⁸ Inyõ aõbo, jiarỹ aõbo, ada biuludu ýju aõbo, adee Rybewihikỹ witxiraõ rarybekeki, Deuxu kyarana tamy kedeseekemy idi watxireri. Rybewihikỹ-ò juhu waribi taholatenyte. Kia sohojile inatyhyre. ⁹ Iwese rarybere wese ixityre ararybekre. Inyõ Rybewihikỹ riwitxiranykeki, aõmybo juhuu taholateny-ribi, Deuxu kyanamy resekre. ¹⁰ Deuxudeewimy taheka watxireri hãbudeewimy

aõkõ. Jiarỹ hãbudeewimy aratximyhỹkeki Kristu deòdu aõkõ jiarỹ rare.

¹¹ Aõmybo rarybemyhỹre hãbu-ribi rare. Kia Rybewihikỹ tyhy rare. Kia bierybenyke.

¹² Kia tihãbuõ-ribi adoholaõhyymahãde. Hãburybe-ki aõkõ reeryre Jesuisi Kristule dori kia riwaerynanyre. ¹³ Kaiboho taholatenyte,

iwese jiarỹ judeu mahãduy-ki raremahãu Iu Deuxu ityhydỹdu mahãdu aõbinamy rewinydỹnanymyhỹre. Idi ariixãwididỹnykemy rarewãhã. ¹⁴ Wamahãduy-ki sõwemy iratyre

raremahã judeu mahãdu bedede ywina ywidỹki. Idi retyhynyhyymahãre wahona mahãdu ratyre, byrena erỹdỹna-ki. ¹⁵ Iribi tahe Deuxu riwamyre taruxetõena-ki. Ratohouãnyõlemy rareò

juhu riwahitxinyre. ¹⁶ Wadee Deuxu tariõre riteòsinykemy ratximyhỹ judeukõdu mahãdu-ò

tuu ararybekemy wadi ratximyhỹ. Iu inyõ dee aõmy rarybeõhyre Jerusalẽ hãwã-ò raõhyre. ¹⁷ Rõtỹhydỹõmy raremahãu. Deuxu deòdỹna

mahãdule rỹiramyhỹ. Ihãrele tahe tamy rybemy raõra. Iribi tahe rahònyra Arabia-ò. Idi tahe ixityrele adòòsede Damas-ò.

¹⁸ Inataõ beòramy heka kowa-ki reijere. Idi tahe rare Jerusalẽ-ò Pedro roramy. Tahe bedede reijere waiyre txumy tai. ¹⁹ Ijõmy heka rabiõhyre

deòdỹna mahãduõmy. Txiaulemy heka rabire, Kristu seriòremy. ²⁰ Ka heka watyyriti inatyhy rare. Deuxuko-txi inatyhy rare. ²¹ Idi Siria bedede-ò rare, tule Silisia bedede-ò. ²² Judeia bedede-ki

Kristu dohodỹdu mahãdu wamy lobixidu aõkõ rỹira. ²³ Uritỹna roholamyhỹre: —Kia juhu iny-

hudurenymy inydireny raremyhỹ, wiji tahe tyhyna-di dobedeerydỹñanymyhỹde. Juhu tahe tii tyhyna rahukemy riwisỹnyre. ²⁴ Kia ibutu òraru-ki tahe Deuxu-ò deàlãmyhỹde wamy, Paulo wahe.

2

¹ Waòinaubiòwa reurò beòra-di rexihureu, ixyby Jerusalẽ-ò ròsere. Banabe, Txitu-wana redyre. ² Rawãhãre heka rasi wese-ki aõmybo rabireki. Retỹnynyre iny-ò iwese inywitxira-ò rarybemyhỹremy. Dohodỹỹdu mahãdu ratyre retare tamy rihitxinyre rarybekemy. Tuu arierykemy watxireri ywimy watxiwãhãremy. ³ Txitu wawana ihỹre, tii judeukõdu mahãduõ hãrele tahe itõtyky resymy rarybeõhyrenyre. Tiiboho waki ibinamy rahaõhyrenyre. ⁴ Idile rõhõtinymyhỹre ityhydỹỹdukõdu mahãdu. Tiiboho nalòdenyde waixãwididỹñarenen-ò retehekremy, iny Kristu-ki ijõdiwãhãre-ò. Tiiboho ixiwesemy iny-di risỹnykemy ratxirenyreri. Tiiboho ityhydỹỹdu wesemy rexisỹnymyhỹre. ⁵ Tamy jiarỹboho raholarenenõhyymahãre inatyhymy Rybewihikỹ aribireny ritaõhykemy. ⁶⁻⁹ Dohodỹỹdu mahãdu ratyre mahãdu heka Joaõ, Txiau, Pedro-wana rare. Tiiboho ibutu erysina ratyre rỹiraki, kia aõ aõkõ wadee rare. Tiiboho aõ tỹmyra riwabedeerynyõre. Deuxu-ò tahe ibutumy iny wiwesehy rare. Deuxu riwateònyrenyre judeukõdu mahãdu-ò Rybewihikỹ wahisidỹỹmy. Kia Joaõboho wiwesehyylemy widi rõhõtinyre riwawehitynanyra jiarỹ Banabe-wana. Tai tahe iwese Pedro judeukõdu mahãdu-ò rare. Tiiboho tahe ritỹỹnynymyhỹke judeu mahãduòle

wahe. ¹⁰ Urile riwatyhenyra iny aõkõdu mahãdu ariwiòhenanymahãkemy. Kia juhuu ariwinykemy watxiwãhãre.

¹¹⁻¹² Atxiòkia-ò Pedro rehemyhẽreu jiarẽ tuu rarybere timybo ibinamy riwinymy ihẽremy rexiitxenanymyhẽreki. Hãbuõ Txiau-ribi rehemynyõrau, tii judeõkõdu mahãdu-wana roxire. Irahudi tahe dehemyndenydeu, roxiõhhyulemy rexitare. Judeu mahãdu rybe lau ruberure.

¹³ Ijõ judeu iwesele rotỹnyre. Ihewoludu Banabe tulere. ¹⁴ Tuu rabireu, õbitimy aõkõ Rybewihikỹ inatyhy wesemy aõkõ rotỹnyry raremyhẽ tahe rarybere ibuturu-ò, Pedro-ò. Kai judeu mabekeki, tahe judeõkõdu mahãdu wesemy tanabededỹnanamy ahãte. Uritere judeukõ mahãdu judeu mahãdu wesemy isỹdỹõmy.

¹⁵ Jiarẽboho tahe judeu mahãdumy reamahãrenyre. Judeukõ mahãdumy aõkõ watxiwãhãrenyre.

¹⁶ Iny bede ywidỹna aõkõ iny ritamy roire. Kia Kristu iny rityhynymyhẽrele iny ritamy roire. Bede ywina ywityhydỹna iny ritaõtyhy.

¹⁷ Iny Kristu-ki tarasana ritamy ratxikeki, tahe òrarudu tyhymy ronykeki, Kristu aõbo òraruna widỹna rare? Aõkõre. ¹⁸ Jiarẽ bede ywiny ywidỹna-ò aròõsekeki, òrarudumy ararekre. Kia jiarẽ idi ariatymy rỹimyhẽre ixityre ariwinykeki òrarudumy arareke.

¹⁹ Jiarẽ bede ywina rarumy rãire wese, Kristu-ò warumy ararekremy. Kristu-wana jiarẽ raitxeòkirubudỹnanymahãre.

²⁰ Jiarẽ ixidee warumy aõkõ wahãre. Kristu tahe wawo-ki riwarudỹnanymy ihẽre. Warumy watxireriwana Deuxu iriòretyhydỹna òrarukile warumy wãhãre. Tii waluumy ratximyhẽre. Tahe

wadee rexiwahinyra. ²¹ Deuxu ruxetòedỹña aribynykemy aõkõ watxireri. Bede ywina tyhydỹña òraru-ki ywityhydỹña tahe inyõ ritakemy ratxireri. Kia-di inatyhymy inyõ rexitakeki tahe, Kristu uriòle rurure.

3

¹ Alatxia mahādu timybo tahõtinyteri kaiboho òhõtibede-di rierykõrenyre. Kia-di òsana tahõtinyre. Moòwòru ijeranamy ahātenyte. Jesuisi Kristu itxeò-ki rururedi taholatenytyhyta. Òhõtì-ribi aõbo kia rosare. ² Kiale arierykemy watxireri timybo tahõtinytenyteri: Deuxu Tyytybytyhy temytenyta bede ywina widỹñamy aõbo ada inatyhyna tyhydỹñamy aõbo. ³ Juhu urile tetyhynytenyte idi ixiumykile tadexityhynymy ahātenyte, bede ywina ywisidỹña wahe. ⁴ Kaiboho òbitimy tahõtinyõtenyte. Kia aõbo aõhõkỹmy tatỹnytenyte uriòhyòle? ⁵⁻⁶ Aõkõre, uriòkele aõkõre òsana tahõtinyteri. Deuxu Tattytybytyhy adeereny diwahinyde. Kia aõbo riwinyre bede ywina ywisidỹñ kaiboho tamahātenyteki? Aõkõre, tetyhynymahāteki kia riwinyre. Deuxu aõna aõna wiwihikỹ akoreny-ki riwinyre. Kia sohojile iny ritake. Abraõ Deuxu rityhynyre. Tai tahe tamy òbitimy rare Deuxu-ò, iòraru iribi riixāwididỹnyraki. ⁷ Tai ibutumy rityhynymyhỹre mahādu Abraõ riòremy rỹira. ⁸ Tyyriti-ki roimyhỹre kia: —Deuxu heka judeu mahādu sohojile aõkõ riòbitinykre. Ibutumy iny riòbitinykre ityhydỹñ erylỹỹña òraru-ki. Rybewihikỹ erylỹña Abraõ-ò juhūu dehemynyde. Kia wese Tyyriti doide: —Aòraru-ki ibutumy iny-ò

deysana kanakre. ⁹ Tahe ityhydỹdu mahãdu Abraõ wesemy teysare. Abraõ dori ityhydỹdu rare. ¹⁰ Inyõ bedede ywina rityhynyõkeki, Deuxu txuhòbina kedeake. Jesuisi-ò tyhynale iny kikitakre. Kia Tyyritidỹna dori roire: —Inyõ ibutumy bedede ywina riywinyõkeki, tamy Deuxu txuhòbina kedealeke. ¹¹ Òbiti mahãdu rityhynymy ronykre. Kia riki Ritidỹna roire. Tahe bedede ywina heka inyboho aõkõ riòbitidỹnyre. ¹² Bedede ywina heka iwitxi rare ityhyna-ribi. Tahe inyõ bedede ywina rityhynymy ratxikeki, tii ibutumy rityhynymy rarehyke. ¹³ Inyboho Deuxu bedede ywina rikiywinyrenyõkeki, Deuxu txuhòbina inydeereny kedeakre. Kristu tahe kia-ribi iny ritare. Tule inyòwòruna òraru-ki rexilamadỹnyre inydee iòwydỹna-ki. Beteheke Tyyritidỹna roire: —Inyõ òwòru itxeò-ki ritamadỹnykeki, tamy txuhòbina kedealekre. ¹⁴ Deuxu narybede heka Tatyytybytyhy iny-ò riwahinykemy. Wiji tahe inyõ rityhynykeki, Deuxu Tyytybytyhy ritakre. Tai Abraõ deysana inydeereny rehemynyre Jesuisi Kristu òraru-ki.

¹⁵ Waseriòreboho, jiarỹ hãbu wesemy ararybekre. Iny inatxi jurasadỹna ritina riwinykeki, inireny ritidikeki, inyõ riwitxiranyõtyhy. Tai ijõ witxira riritinyõtyhy. ¹⁶ Boholabenyke, Deuxu juhoo Abraõ dee narybede: —Abraõ riòre hewoluduõ Kristumy. Abraõ riòre sòwe dee rarybeõre. Sohojideele rarybere. Tahe tariòre-ò Kristumy rarybere. ¹⁷ Tuheka rarybereri: —Deuxu juradỹna wese juhoo rarybere, 430 beòra bedede rỹire idi tahe bedede ywina nade. Kia

Deuxu juradỹỹna riixãwidinyõtyhy. ¹⁸ Tarasany bedede ywinawidỹỹna òraru-ki kidiwahinykeki, wahisidỹỹna aõkõ heka rare. Tai Deuxu heka Abraõ-ò jurasadỹỹna riwahinyre. Iõwydimy aõkõ juhoo dori rarybere tii kidiwahinykemy. ¹⁹ Aõherekibo heka nade? Kia nade òraruna òraru-ki Kristu nadeule kỹny juhu ludu wese aõkõ roire. Kristu heka Deuxu deòdỹỹna rare. Iwese Deuxu rarybere wese riwahinyre. Tii Abraõ riòre riòre-ribihyy reare. Yjummy bedede ywina nade. Iny itya ludu debò-ki rehemynyra. Moisesi iwahidỹỹdure. ²⁰ Boholake, Moisesi sohojile aõkõ itya ludu ratxireri bedede ywina riwahinyreu. Deuxu tahe sohojile rare irybe riwahinyreu. ²¹ Bede ywina aõbo Deuxu jurasadỹỹna riixãwidinyke? Aõkõre. Bede ywina umy ituedeõna riwahinykeki, òbitidỹỹna inatyhymy bedede ywina nade. Tahe aõkõre. ²² Deuxu Tyyriti rarybere: ibutumy iny òraruna-di ratxireri. Kristu iny rityhinykeki, Deuxu jurasadỹỹna tamy riwahinyke.

²³ Ityhydỹỹna rehemynymynykoki bedede ywina iny rityhynymyhỹre ròtenawo-ki inyboho roire wese. Kia-ò iny riraòhyymy rỹimyhỹre inatyhydỹỹna kedehemynykemy. ²⁴ Uladu bedeerydỹỹdu wese bedede ywina rare inydeereny. Kristu rehemynykõu, inyboho bedede ywina rityhynyreny. Tai Kristu-ò inyboho òbitimy ronykremy ityhydỹỹna òraru-ki. ²⁵ Ityhydỹỹna-ò iny rehemynyreu, uladu bedede erydỹỹdu-ribi ixãwimyhỹre. ²⁶ Kristu-ki ibutumy Deuxu riòre atximahãtenyte ityhydỹỹna-ki. ²⁷ Ibutu

dori Kristu-ò taratisebenyeteu, Kristu wesemy tatỹnyte. ²⁸ Kristu tỹnydỹna-ki wiribi hitximy aõkõ boibe, judeukõdu mahãdu, iny-wana, deòdu deòdu aõkõ-wana, ijoi hãwyy-wana ibutumy wiwese wesele Kristu-ki rỹike. ²⁹ Kristu-ki mabekeki, Abraõ riòre riòrelemy mabekre. Jurasadỹna rareasadỹdumy atximahãtenyete.

4

¹ Ijyyõ arelyykre —rareasadỹduõ deòdu wesemy raremyhỹ tii uladumy rareu, ibutu wedu rare hãre wahe. ² Urile tyby rarybere raumynykõule, tii tatibiedỹdu rybe rityhynymyhỹre. ³ Kia wese iny rare. Uladu wesemy bedede aõmydỹnana rityhynymyhỹre juhuu. ⁴⁻⁵ Iribi tahe bededỹnana he rehemynyra. Deuxu tahe Tariòre diteònyde ijadõma ririòredỹnykremy. Bede ywina tyhynakremy reare. Tii nade bedede ywina tyhydỹdu mahãdu tarasamy kia tyhyna-ribi ritakemy tariòre wesemy ritibienykemy. ⁶ Deuxu Riòre wesemy iny ihỹreki iny-ki ratximyhỹreki, Tatytybytyhy inywo-ò risỹnyre. Tai inywo-ribi rarybemyhỹre: —Waha, Waha. ⁷ Wiji tahe deòdu wese aõkõ atxiteri, Deuxu riòretyhy wese atxiteri. Tule Deuxu rareasadỹduõle tate.

⁸ Juhuu Deuxu teeryõtenyete. Kaiboho deuxu witxira wese tetyhynytenyete —deuxu inatyhy aõkõ tetyhynytenyete. ⁹ Ka tahe Deuxu teerymy ahãtenyete tetyhynymahãte. Deuxu anaerynymyhỹdenyde. Ixyby bedede aõmydỹnana-ò òòsedỹõmy, arawiòhenyõreki. Deòdumy aõkõ ixyby rỹimy boibeke. ¹⁰ Txu yrubudỹõmy, ahãdu

yruhudỹỹõmy, beòra yruhudỹỹõmy. ¹¹ Inatyhymy ada aõkõre aõbo waaõmysỹdỹỹna adeereny reõnonyra?

¹² Wawesehyymy boibeke. Jiarỹ dori tatemahã wese raremahã, waseriòreboho. Kaiboho wadee aõbina tewinyõmahãtenyte. ¹³ Kia teeryte. Jiarỹ juhuhu adeereny Deuxu rybemy rarybereu, jiarỹ iu wabinawãhãu. ¹⁴ Wabinana heka isirare adeereny, ihãre tahe waderaõre tahe wadi arukirenyra, iwese ýju Deuxu-ribi jiarỹ anade wese kaiboho tiwamytenyte, iwese taheka Jesuisi Kristule jiarỹ rare wese wadi tewisỹnytenyte. ¹⁵ Titxibo rare eysanareny juhuhu adi toite wahe. Kaiboho aruereny wii tesỹny my toitemyhỹ kaiboho wakyrenyrekí.

¹⁶ Jiarỹ aõbohe aõludumy relera, inatyhy rybe adeereny rarybereki? Aõkõhyre. ¹⁷ Hãbuõ arãitxenany myhỹrenyre. Aluu wese heka ratxirerimy ihỹre. Aõlõnany dori rarunyreri. Tiiboho wabiõwana-ribi atarasamy adi ihỹrenyre. ¹⁸ Aõwihikỹ erysmy marurunyke. Tii tahe awire, awanale watxireriki aõkõ. ¹⁹ Wariòre wese, adeereny aõhõkỹmy ratỹỹnyre, hãwyy reamyhỹre mytxitxi wese jiarỹ rare adeereny Kristu awo-ki rexilamadỹỹnyhykemy. ²⁰ Awanareny ararekemy watxireri. Tai tahe warybe witxira-di kia anarybekemy watxireri. Aõhebo adeereny heka arasỹnyre arawiòhenanykemy watxiwãhãre. Timybo reerykõre dori.

²¹ Inyõ bede ywina tyhydỹỹdumy ratxikeki, wadee manarybeke kiamy: aõmybo bede ywina raryberamy teeryteri? ²² Kia Tyyritidỹỹna-ki roire Abraõ riòre inatxire. Juhuhu ludu teòdu-ribi,

Haari-ribi, reare tabireludu-ribi. Ijõ, Sara-ribi, ihãwyytyhy-ribi reara, deòdu-ribi aõkõ. ²³ Deòdu riòre ibutu dee wese nade. Abraõ hãwyy riòre aõkõre Deuxu rybewahisidỹỹna xiery reare. ²⁴ Kia ijyy-di rawesenanyreri. Inatxi hãwyy inatxi jurasadỹỹna wese heka rare. ²⁵ Ijõ Haari inire, deòduni. Iriòre deòdumy rarekemy reare. Sinai Hãwālò wese tii rare. Kowa tyre-ki bede ywina inydee riwahinyre. Jerusalẽ wesemy roimyhỹre kia mahãdu deòdumy dori rỹira, tariòre-wana. ²⁶ Jerusalẽ tyhydỹỹna mahãdu, biu ludu tahe deòdu wese aõkõ rare, ixinamy inyboho roire. Abraõ hãwyytyhy riòre wese inyboho roire. ²⁷ Tyyritidỹỹnaõ dori roire: —Hãwyy ariòreõ beysakre. Birajuakre ariòrekõhãrele beysamy ariòredikire heka. Hãwyy risina riòre sòwetyhyre, hãwyy ihãbu-di ratyre. ²⁸ Waseriòreboho, kaiboho rybe ywisidỹỹna riòre wesemy ahãtenyte, Ijai wesemy. ²⁹ Iwese ibutu ludu wesemy reareõ aõbina riwidỹỹnanymyhỹre. Deuxu Tyytybytyhymy reareò. Wiji, tahe kia weselemyhỹre. ³⁰ Tyyritidỹỹ rarybera: —Biteònyke deòdu tariòre-wana. Rareasadỹỹdu ibutumy rimykre. Hãwyy deòdu aõ aõkõ rimykre tariòre-wana. ³¹ Waseriòreboho, deòdu riòre wese aõkõ inyboho roire. Hãwyytyhy riòre tahe iny roire.

5

¹ Kristu inyboho ritare ixinamy inywe-duõduõlemy roirekemy. Kawese rokoirekemy. Deòdu wese ixyby rukunyrenyõkre.

² Jiarỹ, Paulo, adeereny rarybereri: inyõ notykyresyna-ò ròòsekeki, Kristu riwiòhenanyõhyymhỹre. ³ Ixityre ararybeke. Inyõ rinotykyresynanykeki, bedede ywina ibutumy tii riyrubunyhyyyke. ⁴ Inyõ bedede ywina rexiòbitiny myratxikeki, Kristu-ribi rexihitxidỹỹnmyhỹre, ruxetòena tyhyna-ribi rexitare. ⁵ Deuxu riwaòbitinyrenyre Tatytybytyhy òraru-ki kia retyhynyrenyre. Kia reraòrenyre. ⁶ Jesuisi Kristu-ò notyky resyna aõ aõkõ rare. Notyky resynakõ tule aõ aõkõ rare. Inatyhynamy luunamy aõ rare. ⁷ Juhuu awimy tuu tatyynmahãte, inatyhyna-ki ijera wihikỹmy teamyhỹte, moõ inatyhyna-ribi anaixãwididỹỹnyde. ⁸ Deuxu aõkõ atarasadu juhUU ixãwididỹỹnyde. ⁹ Inyõ paõ riwinykeu, ibutenode ritxiwikeki ibutumy ratarinyke. Inyõ ibinamy urihimyò arabedeerynykeki sòwemy ribinadỹỹnyke. ¹⁰ Jiarỹ Wanyrỹ retyhynyrenyre, kaiboho wawesemy mohòtinybenykemy adireny watxireri. ¹¹ Waseriòrebobo jiarỹ waòludu dire. Kia tahe riteòsinyrenyre notyky resynamy rarybeõre ijõ wamy raryberehãre. Kia ararybekeki sòwemy wahemy kanakre. Itxeò tỹnydỹỹna rybe rityhynykre. ¹² Kowa mahãdu òte rexihukemy idi watxireri. Adeereny aõbina diwinymhỹdenyde.

¹³ Kaiboho Deuxu arateònyrenyre, urile òraruõmy boibeke kaiboho bedede ywina-ribi ixinamy boibeke. Wii biwiòhenanymhỹbenyke, wiluurenykemy. ¹⁴ Bedede ywina ibutumy rexibutunyrenyre rybe-ki kia tahe rare: —Inyluuke ixiluure wese. ¹⁵ Wiwana bòrenybenykeki, kaiboho

widi buruakeki, bexihãrubeny ibutumy wii mahubenyheny.

¹⁶ Tai jiarỹ rarybere, Deuxu Tyytybytyhy deewimy boibekemy deòbiredỹỹna iwidỹỹõmy boibeke. ¹⁷ Deòbiredỹỹna dori Deuxu Tyytybytyhy òluduna-ki ramyhỹre. Wimỹ òludurenyre. Tai aõbo adeereny awire iwidỹỹ adeereny isirare. ¹⁸ Tahe, Deuxu Tyytybytyhy arateòsinyrenykeki, bedewina ywidỹỹna aõkõ bityhynyke. ¹⁹ Deòbiredỹỹna aõna aõnamy dỹỹnana-ki kia roire: aderanadino, aõbinade, raykyõmy, òta òta, ²⁰ suritxoomy àlàdỹỹna, òwòruna wii, òlududỹỹna, aõbinaluu, ihãru, kyara, wobiredỹỹna, wiribihitxina, ²¹ ibutu aõmydỹỹna ixixiburedỹỹ, axaxaluu, rỹsỹnaluu byrehekỹ, tule ijõ aõna aõnà sòwemy kawesere. Inyõ kia aõna aõnawidỹỹ rierykeki, Deuxu òlòna rareasadỹỹdu aõkõ roikre. Tuu rarybere juhuule. ²² Ka heka Deuxu Tyytybytyhy aõmydỹỹnanamy rybena roire: iwahidỹỹna kia rỹire, tii dori inywomy rỹira. Wiluuna, deysana, ywina, ruxetòena, wina, òbitidỹỹnana, ²³ ibutu-ò awina, ixidee inytyhyna, ixiyrydỹỹna, tai bedewina ihoõhyre kia-ò. ²⁴ Kristu hõrõ mahãdu kia itxeò-ki ritidirenyre: deòbiredỹỹna, aõmydỹỹnana bina-ribi, deòsana aõmydỹỹnana-ribi

²⁵ Inyboho Deuxu Tyytybytyhy-di rokoirekeki Deuxu Tyytybytyhyry-ki rakariarenkyre ²⁶ Ixi deàlànaranaròsò luukemy aõkõ rakatximyhỹrenyke. Tai tahe ixixiburedỹỹna-di aõkõ, rakatxirenyke. Wiòbiredỹỹna-di rakatxirenyõke.

6

¹ Waseriòreboho.

Inyõ òraruna-txi

resekeki, kaiboho ywina-di biòbitinybenyke. Bexihãrumahãbenyke kia òraruna-txi ixẽomy boibekõkemy. Kaiboho dori, Deuxu mahãdu toite wahe. ² Wiitxykywydywesemy wii biwiòhenanybenyke ibutu aõmydỹĩnana-ki. Iwe-sekeki, Kristu bedẽ ywina tetyhynymahãtenyte. ³ Inyõ ixidee aõlemy rõhõtinykeki, tahe tii aõhyy aõkõ rare, tii rexiitxenanymyhỹre. ⁴ Ixinamy iny sohoji sohoji taaõmydỹĩna-ò retehemyhỹke, aõhebo rotỹĩnymyhỹremy wahe. Idi tahe ixi aõmydỹĩnale-di kedexityhynymyhỹkre, tabireludu aõmydỹĩna-di aõkõ. ⁵ Iny sohoji sohoji dori taitxyky riwymyhỹke.

⁶ Inyõ Deuxurybe erydỹĩna ijõdikewana tabedeerydỹĩna mahãdu-ò ibutumy erysina wiwihikỹle-di rirareamahãke. Tule bedeery mahãdu heka tohodỹĩna mahãdu-ò aõna aõna wihikỹ riwahinymyhỹre. ⁷ Ixiitxenadỹĩõmy. Inyõ heka Deuxu itxenadỹĩõmy alòbòròna-ò iny ribòrònykeki, tiile tahe raumynyhyymyhỹre. ⁸ Inyõ òraruna ribòrònykeki, rubule taumy-ki ritake. Inyõ Deuxu Tyytybytyhy deewimy tuu rotỹĩnykeki umytuedeõna ritake. ⁹ Aõwihikỹ widỹĩhyymy boibeke. Kia-ki elemy ruburenyõmy. Aõwihikỹ widỹĩhyy boibekeki, adeereny aõwihikỹ wahidỹĩna wese kanake. ¹⁰ Ibutumy inydeereny aõwihikỹ widỹĩ-ki inyboho abededỹĩnanawikeki ibutumy iny rikiwiòhenanyrenymy, rỹkỹirenyke, ityhydỹĩdu mahãduõ bexiywinyhyy ahãbenykemy iwiòhedỹĩ-ò.

¹¹ Tuhe, jiarỹle ariritinykre, Paulo wahe. Betehebeny inihe ritidỹĩna nihikỹ reritinyra

wadebò-di. ¹² Inyõ ayreny-ki wohyna ixidee rimykemy ratxireri, kia adeereny õtyky resynamy adi ratxirerihyymyhÿre. Kristu itxeõmy tiiboho ritÿnynyrenykeu aõhõkÿmy rotÿÿnyõmykemy rõhõtinyinmyhÿre. ¹³ Notyky resyna mahãdu bedewina rityhynyõre. Tiile rexityhynymyhÿre. Kaiboho irybe-ò boholakemy atxiteri. ¹⁴ Jiarÿ arexiwowydynanyõhyymahãkre, Wanyrÿ Jesuisi Kristu itxeò-di areysakre, biu-ò hena òraru-ki wahe. Bede aõmydÿÿnana waki rÿimyhÿre, itxeò-ki retamadÿÿnyra waribi ixãwira. ¹⁵ Notyky resynadÿÿ aõ aõkõ rare. Notyky resynadÿÿkõ tule aõ aõkõ rare. Urile biu-ò hena-di boibekele tahe aõ rare. ¹⁶ Kia bedewina bityhynybenymy boibekeki, Deuxu-ribi ywina, ruxetòena, adeereny kanakemy idi watxireri. Tule Deuxu mahãdu ibutu-ò, judeu mahãdu wese dori ratxireri.

¹⁷ Karibi tako-ò tahe inyõ waixiradÿÿõmy ararekre. Beydÿÿna dori waumy-ki roimyhÿre, Jesuisi rybe rybemy rybedu òraru-ki.

¹⁸ Waseriòreboho, Jesuisi Kristu ruxetòena akireny rÿikemy watxireri. Kie.

Deuxu Rybe Tyyriti **New Testament in Karajá (BR:kpj:Karajá)**

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Karajá

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 11 Nov 2022 from source files
dated 29 Jan 2022

55ce0bcd-101e-52a3-984e-847027efe150